

國家圖書館, NATIONAL CENTRAL LIBRARY, TAIWAN, R.O.C.

詞以姜柳為宗然余謂柳之婉膩不如姜之沈郁至
蘇辛以歌為詞乃別派也元去宋近尚得真傳有明
一代緒幾絕矣國朝西堂清容兩前輩則直以曲
為詞百末一卷猶得失半參銅絃集則純於曲然是
體南宋已有之非清容所創也伏讀

大箸婉膩沈郁兼有其長直為西堂清容相與伯仲
者其金風亭長耶花朝後一日西泠徐紹植

嶺南無詞家國朝吳石華為嶺外填詞第一手此
外殆無人能爭中原壇坫者


巽父詞兄出示大作沈浸於宋元諸家者極深而又

能出以深婉此真足以繼桐花閣之遺音者明年遊
歷薊北自足與中原諸人爭後先然而不已尤當開
南國詞風也三復歎賞心折者以朱圓識之其有質
疑亦率臆妄論幸更有以教也光緒癸巳十二月汪
兆銓

巽父仁兄於詞不由指授元悟得之源流正變音律
諧舛無不洞見癥結殆阮仲容所稱神解者耶所著
真心孤往一以南宋為宗含宮咀商精研入細倚聲
正軌舍是安歸每閱訂繫宮調原本宋元人而國
朝凌次仲梅道吹簫譜實沿用之此外不多見

巽父為更為鉤稽多補次仲所未備自非妙解音理
鑒別詞原曷足語斯昔江鄭堂謂次仲詞不落第二
流次仲深通樂學詞律最稱謹嚴然謹嚴之過詞氣
或傷是其一病惟吾

巽父以神解持正軌復出以麗逸婉諧鄭堂之語移
以相贈斯無媿色矣己亥夏六月林象鑿



國家圖書館, NATIONAL CENTRAL LIBRARY, TAIWAN, R.O.C



耕煙詞

阮俞笛譜

南歌子

密意玳筍託柔情
錦字封石楠花底見
息息無奈春
人影隔月迷濛
碧海魂應斷
冰斂夢不通
愁他悄
地呪東風又被柳絲偷
眼識狂蹤

摸魚兒

麻姑圖

送仙風步虛聲裏碧桃千樹零亂
金銀臺上排雲出

禹麓 張德瀛 采珊

國家圖書館, NATIONAL CENTRAL LIBRARY, TAIWAN, R.O.C.

曾約上清吟伴遊興懶聽教疊鈞天雅奏還留戀蓬
邱路轉待收拾殘花筠籃露重癡想未應斷 春容
麗接起五銖衣禿瑣蓮雙瓣輕縮半醒半醉傳嬌態
煙縵妙鬢妝淺情緒倦試狡獪當筵笑擲珠盈串靈
璈韻轉望滄海杯擎螯龍鞭起霞綵赤城滿

浪淘沙

送友人歸浙東

風笛訴依依流水淒迷秋雲一翦寫新詞屈指西湖
人倚權雪滿蘇隄 柳影縮鞭絲無計留伊憶曾載
酒過疏籬開到蜜梅書要寄兩地相思

壽樓春

紅樓鶯飛還又絲絲細雨吹上迴闌叵耐春衣纔浣
又添微寒鷓鴣外苔痕斑悄無言笙篴偷彈恨花底
愁牽天邊人渺繭紙早書殘 君休問臙肢脂山帳
音塵濶絕遼海漫漫待得錦梭停織蕊雲交攢同寄
與青琅玕奈舊愁先來眉端祇斗帳鐙搖深閨自憐
鸞影單

玉京秋

題諸曦庵墨竹便面

疏影轟牆頭出芒角一叢蒼玉霜氣稜稜月眉淺淺

流連空谷雨後煙消半暝 垂垂猶似初沐枝相簇
茶鐺寂靜相思人獨 前度故溪茅屋乍吹來簫聲
斷續試與追懷昔年風景秋心悵觸野鶴能來算只
合相伴小窗橫幅楚江曲遙憶湘波正綠

行香子

六月避暑東莊作

讀養生篇證上乘禪喜微風披拂琴絃紅塵擾擾總
被情牽似泥中藕雨中絮火中蓮 雲影閒閒鶴影
翩翩繞柴門一水冷然花前鐙下誰與周旋有長慶
集元祐畫竟甯甄

離亭燕

秋晚白雲寺小憩

一片微陽無力一片寒雲如織草色萋萋橋畔路噴
出飛泉千尺松老拂蒼髯偃蹇卻如人立 石井浴
花吞蝕鈴語郎當吹急煙霧空濛招手處恰稱阮家
遊屐倦鳥忽飛來點破遙山晴碧

生查子

簾影暉湘雲屏背闌干曲情絲萬縷縈悔種相思木
惻惻棟花風吹上着峯綠閒將本事詩持向紅窗
讀

雙雙燕

南城城坳為勝國時西角樓故址臺榭臨水
畫舫紅燈窮極奢麗自渡江人渺歌板飄
零無復冶遊蹤跡矣

翠簾夢短怎鶯燕棲殘落花紅殉句欄寂寞重數畫
圖金粉遙指蠓光隱隱奈黯淡春陰無準年時燭醉
留髡愁說迴廊芳訊誰分珠釵插鬢倚鳳舸尋歡
素波流盡癡郎鞭墜聽徹琵琶入
鬢嬌韻休為幽期瘦
損乍轉眼返魂香燼劇憐歧路東西沈了碧雲歸信

清平樂

步晏同叔韻

蜜香排字說盡愁人意簾底夕陽簾畔水只有離情
難寄傷心怕上紅樓睡餘懶挂銀鉤賸得東風些
子落梅吹墮春流

憶舊遊

夜泊望石鐙埕

正蘭舟晚艤數點歸帆江水流東浪氣浮虛碧放一
星幽火影入鮫宮電光乍明旋滅黃月澹溟濛認面
面琉璃燃犀照處驚起魚龍玲瓏數重樹似繖蓋
低垂暖霧沈空海國鼉更悄訝摩尼珠采突湧波中

詞字似步晏以上文字已國等字
別詞字不用矣

通首似張梓夏

扣舷一聲高唱煙寺響清鐘兀倦倚樓窗微風蕩清
吹斷蓬

鵲橋仙

懨懨病態迢迢芳思獨對小亭清悄池邊雙鶴正歸
來算只有花陰夢好闌干十二煙痕染碧惹得愁
情多少暮雲溶曳夕陽天又啼徧林間翠鳥

讀國朝諸家詞各賦小令識之

憶江南

朱竹垞彝尊曝書亭詞

歸耕去戢影閑柴關十萬牙籤供指使太常法曲落

人間花月不能閒

前調

顧梁汾貞觀彈指詞

拈毫處冰玉證心期季子平安勞問訊拚教良友淚
雙垂哀語入詩脾

前調

曹實庵貞吉珂雪詞

飛仙技壯歲早傳名筆底濤聲齊捲入滿天鱗甲怒
龍鳴不作斷腸聲

前調

梁蒼巖清標棠村詞

蘭畹集曾向錦囊收時序侵尋渾似夢花慵柳困寫
春愁幾度醉南樓

前調

丁雁水煒紫雲詞

層波閣篁竹護煙庭要喚秋娘歌一曲更搗瑤瑟寫
新聲歸夢憶溫陵

前調

高澹人士奇疏香詞

辭鋒勁蒼兕氣逾雄颯颯商聲吹紙上欲攜長劍倚

崆峒匹馬走西風

前調

萬紅友樹香膽詞

青衫淚苦恨卻難勝蜜葉裁箋香拂拂耽研聲律幾
沈吟無限惜花心

前調

沈融谷皞日柘西精舍詞

斜陽路如斗望山城萬里遨遊吟筆健故園風物倍
關情哀鬢感平生

前調

余香祖蘭碩團扇詞

東風早留得夜吟魂詩格舊傳長慶體樂天才調試
同論誰為織迴文

前調

郭眉樞士璟句雲堂詞

豪華地回首已成墟花戶油窗塗寫徧紅蠶小字織
真珠只解唱吳歛

前調

張皋文惠言茗柯詞

疏鑿手隱意幾人窺纓珞自然空色相南華秋水喻

禪機何苦學妃豨

前調

劉芙初嗣綰箏船詞

鴛波綠扶醉約吟傳書破蜀箋三十幅看花同上蠶
湖舟煙月結綢繆

前調

姚梅伯燮疏景樓詞

賓洲笛清響繞江天綠瘦紅慙都在眼畫邊人語正
纏綿綵筆夢中傳

前調

黃韻珊憲清拙宜園詞

金鏤管權作郢人斤
醉酒花間還怯月
傷春惟有杜
司勳能否賦湘雲

洞仙歌

三松精舍小憩

疏花弄色放濃陰
遮徑野鶴衝煙出
孤影石臺空點
點葉墜銀牀
鄭碧澗滿
琰新泉煮茗
茅庵繞十笏
仄徑通幽一杵清
鐘響無定燕麥半
陂連時見僧歸
人語歇湘簾風靜
又漠漠池邊噪
羈禽只樹色
蟠空
露華秋冷

前調

中秋夜偕同人山響樓小集疊前韻

虛堂四面乍寒螢
穿徑老桂扶疏絳
河影倚芳尊
又值秋思深時
沈醉後自揀釵頭小茗
放懷歌水調
月有陰晴聚散萍
蹤苦難定江水望
無邊料得今宵
緜嶺外吹笙人
靜待喚起姮娥
譜霓裳怕風露
高寒
繁鬢花冷

浣溪紗

蜀柳冥冥拂畫簷
東風消息上眉尖
珠釵一桁隔青
簾
冷意淒迷宵夢
穩離愁打疊
夜香添
蛩窗開處

睇明蟾

水龍吟

彙括玉溪生燒香曲

鈿雲吹影蟠龍鬚雀翅黏殘炷漳宮遺製博山巧
鏤楚嬌偷覩潤帶蠶綿寒增獸焰白天冰未盼含秋
金虎乍搖玉佩微馨透銅槃曙無奈簾波日暮隔
重重茂陵幽樹紅霏井畔衫兒掩映柏梁何處蜀殿
瓊人夜溪猶在殘鐙光駐歎金鑿供奉只將遺恨浣
襟灰露

湘靈瑟

為桂五題墨梅即以留別

春風旗亭幽香攙夢醒倚樹低吟暮雲輕 同攜手
花間行南枝正啼青禽江水無限情

齊天樂

登越王臺感賦

楮苔滿目英風歇神旗似搖空際劍瘞千秋鐘敲半
夜魁結雄姿已矣闌干謾倚問輦道春溪野花開未
御殿迴環卻憐歌管曉雲墜 萋萋青草暗長訪唐
陰廢井空灑清涕雛燕嬉晴唬蛄弔月銷盡寶姬羅
綺龍川故里笑橫海樓船迎來漢使瞥眼滄桑石欄

叢翠卉

祝英臺近

舊愁牽幽夢短春色正零亂佩繫雷文鬢影碧雲綰
憐伊一搦嬛嬛拚將離恨還只怕金刀難斷綠陰
換禁得半翦微寒窗底炙銀管多分年來眉語未曾
展記從杏子紅時孤眠已慣且分付啼鶯休喚

六州歌頭

讀郭憲洞冥記

荃蘼香散鶴馭影翩翩珍枝樹聲風木閣招仙盼明
蟾半朶嬌雲墜露華裊霜條縞神女下環珮繞燕昇

天青綺窗開待酌瑤琨酒白鳳膏燃問紫泥何在指
眼望虞淵步景誰牽過芝田記淩波舫沙棠柹池
畔路行連錢鵲銜火龍銜燭乍盤旋電光穿梁底歌
聲繞誰得似李延年衣袂舉花落後態嫵媚羨煞鳳
雛九色思移向望鵠臺前蓬萊無處覓海水自涓涓
一葉紅蓮

浪淘沙

松江夜泊聞寒潮嗚咽聲悶倚此解

水影接長空雲氣濛濛越江過盡是吳淞歸夢已隨
潮上下夏逐東風旅思正無窮不見征鴻夜闌相伴

一鐙紅欲向船頭吹鐵笛喚醒魚龍

醉落魄

鶻聲伊軋紙鳶收後煙絲直垂楊無數傷心色鴨背
船輕界破水紋碧東風欲媚紅衣客枳籬半掩疏
藤隔斜陽滿地渾無力一幘江南還向畫中覓

高陽臺

過豫園有感

檻曲觀魚廊虛架樹波光斜映虹橋放一分晴祇憐
芳草迢迢陰沈石洞穿扉入挂纖蘿時有風搖畫樓
開禿柳根蟠雪意全消江南佳麗傳來久怪河山

陳迹如此蕭蕭問訊前番琴尊幾度招要而今過客
重回首早牆頭長徧黃蒿乍驚心梅萼開殘明日花
朝

憶秦娥

閒門裏青青人柳三眠起三眠起春陰如夢夢魂如
水遣愁慣把箜篌倚羸臺約伴隨蕭史隨蕭史香
雲飄蕩棗花簾底

一翦梅

謝女丰姿卓女情珠樣聰明花樣玲峴薄愁寫入斷
紋琴怕說歸程又數歸程紙研雲監寄遠行家住

峇城夢到瑤京齊心耦意一雙人卿似雙丁儂似雙成

壺中天

春盡日偕王堯堂棟曾式如文玉范叔年公
謨法源寺看僧鞵菊口占一闕並示彭頡林
孝廉

荒園半畝訝曇雲捲到冷香浮萼儘有幽人來踏月
豔影籬前依約寶相花濃菩提果證空色都無著滿
頭亂插遊山我亦行腳莫是隻履歸來間參妙諦
蒼筤同開落枝上輕盈仙露灑未許寒英共嚼疏密

枝攢跣趺影伴底事金蓮鑿虎谿泉潔對花宜引杯酌

踏莎行

粉墨閒題玉鉤親控眉尖壓得春愁重綠窗困倚正
無聊鶻聲更把人調弄柳影淒迷相迎相送光陰
黯淡渾疑夢清明過卻雨如塵落花已滿蒼苔縫

菩薩蠻

綠鬟斜墜鴛鴦枕茜裙倦繡茱萸錦獨自淚闌干偷
來花底彈 蕙珠心裏專 恨歡情短休去拓玳窗
東風燕子雙

鷓鴣天

張家灣曉發

滿地霜痕月暈圓
曉烏猶戀女牆邊
楚橋寂寞無行迹
惟見前村酒旆懸
山疊疊草芊芊
鄉園歸思正纏綿
橐駝風過搖鈴鐸
棗樹橫遮一抹煙

醉太平

題畫蘭

銀牀露華瑤階月華疏
叢才作秋花隔紅橋那家
池圍碧霞亭遮絳紗
不須夢裏尋它插仙姝髻了

玉樓春

尋春怪底春無主
把酒看春春已暮
道人贈我駐春方
莫使春深春又去
商量今日留春住
題徧傷春千百句
不知若箇帶春歸
欲覓春回無覓處

沁園春

浣紗

錦石墩前帶藻衣
苔紛紛綠蕪愛波紋
斜矗沙禽對語
風絲冷簸水鳥聞
呼秉杼頻來支機
誰贈愁煞傾城越國姝
蘇臺上歎迴廊響屐
草色凌虛五湖煙
水歡娛問谿畔
花開尚憶無恨
苧蘿山遠飛殘木葉
館娃宮靜落徧秋梧
艷色爭推芳津
依舊門巷春深

舞鷓鴣東鄰女在渝裙約伴學唱吳趨

前調

○出塞

曉角聲悲斜抱琵琶愁腸暗牽念雁門關外春風不
度羊車夢裏漢月猶圓窄裋襦穿廬韞室無那閑
氏思黯然空回首悵紫臺一去彈碎哀絃 綿綿紅
柳含煙正冰雪沿河馬不前又黑山望斷心傷絕域
黃沙吹起淚灑窮邊妾命原慳君恩非薄圖畫何曾
肯乞憐狼烽急把和戎妙策分付嬋娟

前調

留裙

娟娟婷婷平手對窠匏笙韻諧恰泥金細簇團團絳
雪佩囊輕綴拂拂紅埃瑤瑁隨風白題照影香啐休
教廣袖指姍姍步想盤旋掌上丰韻尤佳 樓臺一
霎煙霾更何日重歌赤鳳來便蒲桃織就空翻花樣
石榴妒殺難護珠胎連臂彎環又腰宛轉曾博君王
笑口開昭陽事向酒邊私訴擁髻裴裒

前調

○當壚

西蜀之間有美一人
槿花徑陰似河間
姹女青蚨慣

數蔡家仙子綠醕閒斟螺瑤黏痕鵲裘買醉卻笑藍
橋路可尋臨印道看犢禪斜挂帘外春深 瑤琴舊
託知音喜半抹山眉黛影侵歎男兒志鬱家空四壁
英雄氣壯賦值千金翠羽釵留紫駝甕列無限憐才
款款心秋風客怕茂陵脩聘卻惹微吟

前調

織錦

繡被焚香起樣抽梭雙眉暗顰甚詩周四角中央默
運經繡尺絹繚繞成紋良夜迢迢幽情惘惘空憶秦
川陌上春犀帷靜弄啞啞機杼鍼絕通神 迴文字

字堪珍薦停翦思量更斷魂奈上頭夫婿雙樓正穩
深閨少婦萬縷才分舊事成灰愁腸似結枝畔唬鶯
解笑人篝燈靜恨陽臺歌舞入夢還瞋

前調

墜樓

金谷芳園憔悴朱顏寒風慘淒羨穿雲笛妙碎瓊亂
下懊儂曲豔綵筆分題扇影飄零香痕縹緲鉛淚偷
彈溼舞衣斜陽外只一場春夢謝豹宵啼 依稀巾
字牆低怪芳草無情似帶齊憶仙裾倦倚叢臺竚窳
金鈿輕擲流水東西嬌寵曾誇繇華歛散巧笑難尋

絕代姿蘿村路望鄉關何處夜月魂歸

前調

製曲

歌譜翻時笑拂吳箋涼風殿頭聽銅籤遲報魄毫初
試珠喉巧轉鶯語先偷學士容顏尚書才調侍宴尊
前互唱酬新妝罷向臨春閣上斜捲簾鉤風流天
子無愁怎癡夢猶酣木柿投問內家璧月清聲何在
後庭玉樹妙舞全休半瞬興亡六朝佳麗手捧紅蠡
掩抑羞臺城路恨景陽宮井未許句留

前調

畫眉

豔發雙蛾秀色可餐蚕窗透風正微雲影抹安黃畧
逗遠山樣借寫翠偏濃絡索珠翠琉璃扇薄金檝斜
牽步轉慵迷樓遠正杏衫換卻玉響瓏璵春風蟬
鬢輕攏記綵筆傳來好夢中喜勻妝娥媚新愁未覺
入時深淺小語還通窈窕含春鸞環鬪月寶鏡菱開
曉氣融隋宮裏憶紅箋謝賜倦倚熏籠

前調

遺鞵

鞞鼓聲中寂寂芳塵蓮花瓣輕念沈香亭北紅欄半

映馬窺道上綵襟低紫露縫春藏凌波步窄乍見應
憐太瘦生承恩最許秦璫解卻試浴華清 盈盈嬌
颭蜻蜓問南內何人待月明但一彎留得玉魚共冷
半弓賸處金雀無聲幽徑泥黏繡茵粉滅說與三郎
不忍聽鴻都客寄當年釵盒枉訴前盟

前調

夢鞦

兩地音乖骨瘦香桃傷心黯然歎妝臺倚處玉燒還
熱長亭去後鏡缺難圓識語堪悲柔魂不定愁緒拚
教阿母憐無聊甚便踏青節近擁被猶眠 遊仙一

枕情牽又鸚鵡喃喃畫閣前怎紅羅蹴鳳早傳噩耗
紫釵化燕竟負良緣桐樹心孤女蘿枝弱金縷私提
望眼穿黃衫客儘根苗細說恨海難填右題仕女圖
十幀少日所

作始錄
存之

四字令

留別和友人作

臨妝月描臨軒月邀畫樓絳蠟珠搖悵秋光寂寥
巫山夢遙屏山夢消幾時重整雲翹續鸞膠鳳膠

謁金門

簾乍捲還認暮雲池館數點桃花斜照晚離情天不

管內手徒憐袖短入世祇如蓬轉明日挂帆風緩
緩淥波人去遠

浣溪紗

憶舊

蛤帳煙濃晚卸妝笑聲^吃咭咭捉迷藏閒情曾為落花
忙別後屢看鴉鬢改來時猶記燕泥香可憐煙月
太淒涼

菩薩蠻

紀遊

疎楹曲折圍香霧半簾花影秋光暮窗外小屏山斜

陽明滅間 蟬聲枝上娟石磴苔痕繞一杵響清鐘
閒雲西復東

夏雲峯

訪雲泉山館舊址

嫩煙橫丹井畔疏林遠帶松聲問訊南園舊隱草綠
蕪平接東樓渺空留得澗水淒清襍被處涼宵遲月
夜氣初澂 亂山迴抱生情笑此度重來援鶴須驚
只恐菖蒲雲開後雲氣猶縈名流蹤迹應望斷高閣
峻嶒小雨過莓苔步淺素蝶相迎

虞美人

零星粉墨題都徧寫上
鶯溪絹沁頭開徧水
浪花一縷溼雲如夢
冒蟬紗西風那管人
消瘦吹得魂兒驟
研金羅扇鎮相隨
要共雕籠鸚鵡說
相思

清平樂

曉妝圖

帳痕微裊釵插珠鸞
小花影一枝紅窈窕
問訊新愁多少
春風吹上眉尖
鬢雲整處還快
收拾夢中情緒
纔教小玉開簾

唐多令

潞河舟次

帆影背孤城
船頭雙槳輕
有羈人自擁孤衾
誰把歌頭翻水調
無賴月照河心
月已不分明
長河嗚咽
鳴況今宵酒力初醒
早有漁燈移近岸
風露冷太淒清

喝火令

舊約含情問新詩覆手
談晚妝徧稱寶兒
憨梅子熟時
那堪酸意一分含
瘦態輕于燕
離愁密似蠶
軟煙深鎖蠟牆南
記得還家記得
月初三
記得青簾垂處
釵玉替儂簪

浪淘沙

七月初五夜

水國占清秋雲影夷猶蜻蛉安穩放中流落盡荷花
清興減人在橋頭把酒暫句留拋卻閒愁白蘋香
裏唱伊州分付江邊眉子月莫照紅樓

百字謠

以下從畫禪外篇摘錄

浴日亭觀日出

天雞齊唱乍浮來金暈滄波環繞蜃氣連空噓綠霧
羃羃寒煙開曉怪石孤撐曲廊斜抱日斷蘿岡渺跋
烏三躍鏡輪飛下瓊島應念棲隱羅浮朱明洞啟
半壁晴雲照遙指扶桑天宇淨誰把珊瑚枝掃龍女

珠擎駁人錦織一片清光媚樵風吹過鵲聲穿度林
杪

高陽臺

壬辰十一月大雪

捲絮飄香花妍散沫峭寒斗入危襟簷鐵丁東小庭
密糝芳塵靈妃醉舞渾無賴響天風環珮爭鳴日沈
沈一片瓊田待喚龍耕議郎祠畔疏松在記琉璃
踏碎凍雀無聲古巷彎環依然芳草閒門鳳鞞挑菜
歸來日想灞橋蹤跡難尋冷誰禁縞鶴俛煙伴我低
吟

慶清朝

秋山

濃抹雙鬟瘦，皺半角新妝，喚起應難。寥空雁影悽悽，飛度松關，待把斜陽輕綰。角聲嗚咽，已吹殘高城外。女牆遮斷，落葉迴環。消得煙光幾許，又酒旗半亞，閣住微寒。疏疏叢桂，只疑地近仙寰。莫被西風調弄，舊愁重復上眉彎。雲邊路，征人歸也，笑倚雕鞍。

解連環

鰕鬚簾

綠雲低捲，是何人織就，淚斑痕淺。正落葉片片飄殘。

看半縷湘紋，恰留香篆。梅雨過時，放一窠尖風斜轉。乍微波吹處，挂上曲瓊皎潔秋練。幽窗蚌珠還顫。憶蘆花曳影，條條輕綰。正冷月移向牆陰，又絮語商量。魚丁枕伴銀蒜光流，定髣髴甕中冰繭。隔珊瑚瘦，蜂罷舞，採香夢軟。

天香

怡雲山館詠物分題得秦鏡

金氣光流，苔斑彩蝕，驪宮寂寂。春早月挂瑤臺，斜牽鳳翼。花影一枝紅笑，比肩雙倚。經幾度窺簾偷照，曾記阿房深處，侵晨翠鬢妝巧。祖龍那時失了，更何

人窗開朱鳥塵土埋蹤轉眼興亡誰料待問青鸞信
息怕萬里荒城夢難到髻几移來明霞弄曉

前調

銅博山香鑪

楚岫蟠幽神峯峙秀般倭妙技輕鑄蟾月揩銀麝煙
暖玉攔住數層花霧繡帷夢短聽六曲屏邊私語疑
是漳宮舊樣沈沈紺霞低護霓裳幾回醉舞散芳
馨鏡臺春聚依約街蓮矯首嫩雲何處七寶鏤成金
碧好更向芸幃檢香譜瘦盡詩肩荃靡暗吐古樂府
山屏六
曲郎歸夜梁昭明太子銅博山香鑪賦亦霓裳而升
仙劉繪詠銅博山香鑪詩下刻蟠龍勢矯首半街蓮

青玉案

閨中女郎以皂莢水吹五色泡相撲為戲用
短調賦之

晚涼笑向虹窗凭低徊處風初定一點猩脣嬌態凝
殘絨唾罷短簪別徧送過飛鴻影看朱成碧交相
映迴黃轉綠渾難認便面輕搖穿曲徑乍回秀靨不
禁嬌喘笑把羅衣整

高山流水

端溪青花石研

碧霞粲色沁秋光比紅絲宜較低昂神髓剖何年桃

花巖下攜將池洗蘋藻霏香琳腴潤螺黛點波疑
活斜透中央恨風流早歇難問雪聲堂 仙郎煙華
蘊空翠便著譜總費評量待護小金城憑教月窟深
藏問幾番劫換紅羊猶似龍宮劇下雲氣微茫對妙
蓮一瓣銀海絢寒芒

霜花腴

印泥

丹成九轉炫錦雲翻疑豔裏鮫綃體堪分篆文誰
授朱顏不共春銷翠煙淡描映晴窗光暈紅潮記阿
儂繫臂絲垂守宮砂點未曾銷 百鍊搗成香屑好

署名押尾醉付詩瓢猩血指痕燕支鬪色玉瓷須選
哥窰檢書興豪要借伊纖手親調奈淡紋蠹迹飄零
畫禪何處招

惜秋華

蜀葵花

翠萼迎風正海榴綻後遙傳幽訊杜宇喚殘淒淒一
襟離恨綠鬢依舊敲斜記澗灩金杯笑引清韻照盈
盈錦江還驚瘦損 豔冶插雲鬢料雞坊詩叟怪光
陰無準千葉護挂斗帳畫屏人近驚看木槿朝榮肯
共伊玉容銷盡清潤對紅妝小名重問

眼兒媚

溪邊晚步荷風拂衣有
姜石帚青墩之感
着花香裏聽漁謳
銀浦凍雲稠
江邊幽火江心長笛
兩處悠悠
風裳水佩搖空翠
短艇儘句留
雙拳鷺
宿一繩雁度涼月綢繆

蝶戀花

花影

風簾平鋪幽夢悄
一縷癡魂留得春多少
牆外綠窗
開奧窔
弄晴休被家童掃
枝上青鶯啼不了
窄地
輕陰移過樓窗
早溼霧重重
煙娟娟昏時候
斜陽好

蝶戀花

草色

南陌尋芳纔鬪罷
屐齒濃黏嫩影和雲瀉
十里靡蕪
香暗惹江南春好
流鶯罵
何處王孫金勒馬
煙雨
迷人望裏青無罅
記否池塘寒食夜
阿連詩句同愁
寫

買陂塘

蘆花

乍攬來半湖秋意
漁人催泊孤艇
前身莫是同飛絮
流水板橋幽冷風
正暮捲到夕陽
一片江心影魚

莊數頃看紫萼相偎寒雲如睡繪出晚村景 光陰
早偏又疏枝亂映呼羣鷗鷺相並輕煙三市渾如夢
夢裏玉龍吹醒紅樹靜怕向曉汀洲落雁猶難認沙
頭弄暝更雪意濛濛波痕淦淦殘月墮零簪

江城子

碧桃

露痕淺綴曉窗開下雲階踏蒼苔便有鳳車粉膩逐
香來描得春魂如許瘦遮畫閣傍妝臺 驂鸞無分
入天台月徘徊彈瑤釵誰料仙源依舊信音乖欲把
綠箋同寄與情緒苦沒安排

綠蓋舞風輕

秋荷依草窗格

曲沼晚奩開綠意叢叢天風墜仙佩煙尾牽愁爰歌
聲斷處倚棹閒采睡穩鴛鴦莫惆悵冷香猶在放明
霞一翦搓圓離思誰解 無賴渺渺晴波鈿扇乍低
搖點綴香海落盡紅衣正環妃笑倚補蓮亭外粉靨
含嬌尚留得水情雲態記前宵夢繞垂虹橋背

古藥洲地王
長重建

探芳信

苦瓜

補蓮
亭在

滴空翠正露溼牆根迢迢秋思喜種來辰日不是道
傍李只將禪偈參黃肯學金釵墜繞煙膝便與芳
蓮一般名字江館幾回醉憶細剖銀鱗水雲鄉裏
茗戰光陰商畧納涼地配伊丹覓添幽趣浮向東流
水吸寒漿休數青門舊事

廣東新語菜瓜一名君子菜

換巢鸞鳳

鴛鴦

花絮冥冥向玉池暖浴鏡裏嬉晴碧浮莎徑軟紅聚
錦窠明太湖石畔夢初醒畫欄雨收時聞鳥聲雙雙
舞悄不管綠窗人靜人靜風乍定蓮子戲拋往事

休重省小院沈沈長廊曲曲占斷涼波千頃消夏灣
頭送春歸杜蘅香重斜陽暝沙棠舟怕濺來露溼珠
冷

買陂塘

鴨

颭東風嫩雲相接玉莎遙傍煙浦襍褻側翅晴灘外
催動一聲柔艣桃葉渡怕打散紅鴛鴦落花間去疏
篷聽雨愛飛絮溟濛新萍瑣碎更結白鷗侶春光
好闌外麴塵吹處繫髮跚輕步憐汝鄰娃笑脫裙兒
裏猶認隔溪人否沙際路便道是前裳有約還相誤

呼名自語任冷逼熏鑪別殘金燼寂靜網窗午

陌上花

秋蝶

豆籬掩處翩翩影墮粉香微拭霜信連番還又落花
時節南園不是句留地看徧樓臺金碧早紅心草盡
尖風吹過廊陰岑寂認迴旋舞態小亭客悄依舊
尋尋覓覓曲檻春晴記把玫瑰雙摘煙痕霽霽韶華
換話到醉鄉消息又枝頭葉墜忍寒飛向瑞英簾側

滿庭芳

螢火

水閣燈紅瓜棚徑黑隨風又到窗櫺空階雨過羅扇
撲輕盈花外驚回蝶夢繩河轉夜色疑冰斜光透雲
疇睡起空際見流星熒熒看此度飛揚得勢欲住
難停便忘却前身草色青青幾度客衣亂拂霜葉下
還怨飄零雷塘路風流瞬息殘月半鉤明

轆轤金井

蟬

玉虹低挂撲槐花吹斷一庭微雨遺恨年年難禁問
騷人知否濃陰院宇頻送到縑車聲苦可奈年年紅
霜褪影便添酸楚畫船舊遊記取桃笙靜展銷盡

炎暑秦樹雲深望鄉關何處纖柯蛻羽應倦聽紗窗
私語漠漠西風昏黃時候柳絲千縷

滿江紅以下從擊劍餘音摘錄

張文獻公像

嶽嶽風裁莫認作詞人陳迹憑隻手挽回國運莫安
宗祐羽扇賦成恩義重笏囊擁處丰神別把千秋金
鑑諷君王留高節南薰殿鵷行列荆州路鴻飛疾
奈讖書効奏偏工羅織渤海詔宣能稱旨劍門鈴語
空追憶祇須眉活現畫圖間難磨滅

前調

讀蕭大園言志阮嗣宗詠懷諸作不能無述
遂形於慢調所謂胸中有物吐之乃快者也
偌大閭浮算只似枯碁一局空自詡豐年是玉荒年
是穀濟世儘誇霖雨手逃名要濯滄浪足笑揲著簷
尹本無靈何勞卜洛陽賈雲間陸身已擯冤相續
歎才人不遇傷心一哭鶴可呼歟庭畔立驥無知者
車前伏便邯鄲夢境只須臾黃梁熟

南鄉子

冷雨如夢癡雲不飛倚山窗微吟覺瑟瑟秋
痕如讀米友仁畫稿譜此遣興

花事已闌珊數尺紅蕉卧石欄寒月鵲一聲催月上
柴關遠樹煙濃失故山 樵徑葉聲乾危堞荒涼紫
翠環野店酒旗搖颺處蘋灘遠水空明白鷺閒

百字令

從化知縣心奮李公殉節哀詞

鼠年元默記紅巾煽虐天南鶴唳欲借孤城為保障
未必丸泥堪恃懸布 繼夜心驚量沙計盡半載相持矣震
雷離火闐然私拔旗幟 公獨手刃窮追髮衝背裂
勝負云常事退守危樓親架石賊至羣相貽視懍懍
孤忠橫霜貫日不愧

沈警悽惋以律括詞中
上卷一作

秋年為直錄

從字字字似禮

朝廷吏厝薪拉雜可憐金玉同碎

罹於禍者有同官老吏隨行老僕予季一人能急難

猶復雁行敦篤忠景欄前尊經閣上從此留芳躅衣

冠歸葬土人猶念民牧其奈是節鉞親持兵援不到

只自矜枚卜太息請師徒斷指空向秦庭而哭血染

長宏刀留方弼天半神旗矗青燐宵聚寒泉先蘼醜

醉

水調歌頭

酒後放歌

客喜述毛鄭我欲問巢由出門西向而笑懷古獨登

樓且自黃壚擊筑莫更朱門彈鋏世事總悠悠縹緲
望瀛海左袖挹浮邱 鶴骨笛狸骨帖結綢繆一杯
上下千載皮裹幾春秋領畧谿邊流水眺望松間明
月何處著閒愁相約大蝴蝶散髮入羅浮

念奴嬌

閱蔣苕生冬青樹樂府意有所感遂援筆而
紀之

乾坤擔荷賸趙家半壁中原多故國脈徒然留一綫
空把勤王師舉破敵心雄託孤計竭慘切隨龍馭崖
山風雪寸丹猶照千古 獨惜降表親簽微臣力盡

難把金甌補毅魄英魂招未得劍指扶桑而舞柴市
風悲蘭亭日黯賞恨埋黃土筆提南董倚樓檀板輕

譜忠雅堂集有句云安肯輕提
南董筆替人兒女寫相思

臨江仙

途次偶成

草舍欹斜人不見長楸綠意叢叢間雲起滅任西東
野鴉巢屋角田父立禾中 買得河魚新入饌村酌
更覓溪童白鶯聲裏夕陽紅長隄雙屐滑淺水一橋
通

金縷曲

燕京覽古

獵獵涼風起望蕭條薊門煙樹樹猶如此撲面黃塵
三千丈遮斷太行左臂問俠客射雕何地市上爭傳
屠狗輩只高漸離筑荆卿七都誤卻乃公事 鉗徒
論相非容易莽天涯而今尚有悲歌之士君看平原
專房寵拚把頭顱輕棄笑前度英雄無幾回首金臺
銜落照讓遊人競說招賢地今古恨語還止

洞仙歌

都門晤彭頡林泰士

春風染鬢乍相逢一揖感述前塵手相執閉車中卻

喜心事拏雲鳥几淨閒把詩囊收拾 嗟予行役苦
宣武門前折柳還看露華溼放棹憶江南煙景淒清
都只向夢中攬入盼牆角藤花綠人衣可憶到當年
歸耕朱十

永遇樂

旅館書感

庭宇蕭然冷如僧舍寂寞情景塵土撩人波濤入夢
無限愁中境東園買醉北窗跂腳知我是窮非病記
前宵滿天風雨偏被啼鴉催暝 八千里外凭高望
遠只怪浮雲無定屈指韶華儒冠誤我舊事休重省

韋如可佩硯如可鑄莫負襤衫一領試評量古賢出處更搔鬢影

沁園春

自題小影

日落中原四顧茫茫我安適歸歎子陵落魄竟無田宅嵇生述志僅慕皇羲琴有心交劍難膽寄敲碎珊瑚七尺枝南窗下看祁寒松竹如此離披狂生骨相非奇便異域封侯恐未宜任馬牛相喚癡頑自笑龍蛇乘運翻覆誰知斫地歌豪問天語塞看鏡還慚杜老詩從今悟要旁人慰藉未稱男兒

卜算子

李後主詞云問君能有幾多愁恰似一江春水向東流辛稼軒詞云近來愁似天來大誰解相憐誰解相憐又把愁來做箇天其言愁可謂至矣讀銅絃詞言愁二闕彌復黯然因增此解於時春也故述春愁之苦焉

愁是帶春來春去愁難道只掃雙眉莫掃愁愁入春山遠儘汝問疇人難把春愁算扶起春魂試問愁拚早被愁相勸

清平樂

做辛稼軒體

故山采杞且學天隨子繞壁綠蘿後鶴喜長對二分
流水幽人樂趣何如朝朝選勝林於莫向蕉中覆
鹿好從濠畔觀魚

滿江紅

中元夜珠江放燈猶孟蘭盤故事也歸舟對
月興有所觸倚竹記之

膜拜殷勤牽畫鷁繡幡張處有年少沙彌升座偈參
龍樹瞋妄誰憐衣可解飛行轉訝杯能渡問何人不
作涅槃身卿休誤金粟界瑤光護毘盧座銀函具

辦誠心一點指揮花雨迦鳥宣音煩惱破靈犀照怪

幽冥悟怕啾啾鬼子盡招來恆沙數

重疊金以下從紉蘭賸藁摘錄

夜怨

張星舊在天河上徐陵流螢映月明空帳張正見賦

歸鳥鵲向東飛王筠和吳佳期未歸謝朓同王主

誰憐雙玉筍劉孝威離思終無緒何遜送韋臨鏡

出雕楹劉令嫺淒涼多怨情庾信

長相思

別意依鶴林詞格

長相思徐陵長 兩相思鮑照代 錦上迴文作別詩 蕭

賦得姁娜階庭尋履 綦所 思有 夜雲生陶宏景 江

波連王壯 臨江 薊北鴻來路幾千 怨江總 閨金風 飄紫

煙帝詠 雲促拍醜奴兒 題長安公主流波池畫冊

水檻淡清暉沈滿願 入蓮池鮑照代 並泛漣漪虞義

蕭首議綠觴皎鏡華 如碧路均行 高雲斂色九蕭子良

宴絲桐激舞丘遲九日侍 泉長春歸梁簡文帝和

臨翫自多奇徐陵奉 苑侍 泉長春歸梁簡文帝和

姑溪小 千嬌百念歡無歌 徐陵輕蘿易動 虞義敬贈蕭

輕歌易繞沈約三日侍 鳳光綠竹猗猗 逸梁武帝 贈

減字木蘭花題虹橋泣別畫意

川紆路阻沈約贈沈錄事 黃鳥飛飛有時度江總 閨

念我棲遲梁武帝贈 井上疏桐零落枝江總 怨姬 慙

非楚侍劉孝綽 同盛同哀莫相棄鮑照代 翠鳳輕迴

沈約三日侍 鳳光春燕參差 風散梅鮑照 擬

殿曲安應制 水調歌頭

賦羅浮山

巖壑轉微徑王維過禪石瀨瀉鳴泉陳子昂南樓登

天風乍起爭韻張南心賞獨冷然沈佺期早試登高

而騁日明照鄰觴清泠之池閣李白鳴皋歌暮暮覆

林煙張說一步一回首王維留送岑微君誰傳李嶷林

作嶼花晚堂會王方士人寂寂皇甫冉愛神仙

丹邱元柳長如綫李賀正月二月色綿綿顧況春雲

青青兮欲雨李白夢遊天平蕪綠兮千里王維送友

時韻女蘿絃孟郊雲結構天南畔楊衡遊從此願棲

禪裴迪過感化寺霜天曉角

陳子厚別駕坤為余作雁鷺一幀檢舊篋得

之因墨其上

東南萬里白居易客夢孤舟裏顧非熊送樸把釣絲

隨浪遠陸龜蒙遊莫逐炎洲翠李白野田點綴

賦王起翻秋氣耿湋驚蓬連雁起錢起送王使君溥

暮欲棲何處李中君不見東流水賀蘭進明

菩薩蠻

春詞

聞聽鶯語移時立白居易春盡金蟾馮鎖燒香入李

題無門掩杏花李賀欲妝臨鏡杜荀鶴凝情

都未語白居易詩一百韻夢遊獨坐空閨暮雜詩及不見有

人還李白詩月關連娟眉繞山溫庭筠詩

蓮枝未長秦蘅老李賀詩樓臺深鎖無人到許軍客

不遂薄遊新樹葉成陰白居易詩韶光凝碧林馬戴詩

對門藤蓋瓦杜甫詩背面秋千下李商隱詩細露溼團

紅李賀詩愁翻錦字中婦詞

禿襟小袖調鸚鵡李賀詩映簾夢斷聞殘語李商隱詩

香萼媚紅滋徐彥伯詩鳳凰安得知張九齡詩

東風冰盡泮白居易詩誰覺花源遠錢起詩王維

別獨立俯聞階韓偓詩陰廊畫雜苔司空曙詩

紅桃綠柳垂窻向王維詩明朝攜酒猶堪賞李涉詩

林攜酒對情人王勃詩扇邊歌繞塵溫庭筠詩鶯花

隨世界杜甫詩潤色籠輕靄發上林詩相憶采芙蓉

蓉杜甫詩佳期蘭渚東李白詩

臨江仙

題友人別墅

葉墮誤驚幽鳥去于石詩一簾微雨輕陰高憲詩清和

天氣潤園林方回詩晚雜興新花紅燦燦戴長元詩遠草惜

音宋元江四面闌干金碧界尹廷高詩碧潭深

映無心孤雲湘袁枚詩弄罷玉龍深袁枚詩春禽

鳴布穀

劉永之
澗讀易車

野屋負層岑

陳小山題

南浦

海珠寺登眺

晴碧遠連雲

梅堯臣
少年遊

小橋通

東從周
小重山

驪宮夜採鉛水

王沂孫

門掩兩三株

張炎
渡江雲

臺榭好

柳永
平樂

肯帶軟

紅塵裏

韋居安
摸魚兒

華背蓬島

黃庭堅
道遙樂

望中秀色

仙都是

韓元吉

蘭舟靜艤

張榘
鶴山

倚高閣憑虛

仇遠
玉交枝

犯銀

濤無際

念奴嬌
葉夢得

孤他燕語

攀留朝

黎廷瑞
中措

是幾度斜

陽城

密臺
幾重蒼翠

王元量
序

離思滿

衡皋

柳永
年遊

俯仰

歐陽脩
漁家傲

看取玉壺

天地無

王沂孫
無悶

美人如月

蘇軾
三部

樂笙歌喚醒魚龍睡

陳六平
渡江雲

餘霞散綺

晁補之
迷神引

更短

笛銜風

李演
魚兒

摸寸心

千里

無名氏
遊春水

羅敷豔歌

古意

月華澄影光相射

杜元谷
人月圓

怎不思量

薇宗燕
山亭

無限思

量秦觀

畫樓春
三扇屏

山匝象牀

賀鑄
浣谿紗

寶釵斜照

春妝淺

呂渭老
惜分釵

舞扇招香

張炎
城路

昵枕迷香

翁元龍
水龍吟

酒半醒

賀鑄
時眼更狂

鷓鴣

百字謠

初夏

翠蘿深處林少 批闌干暗拍曹 為鴛鴦起趙

大雙蓮葉層層遮綠繖晏殊 換卻鶯花人世周密

天遲日烘晴王茂孫 深煙帶晚張炎 瑣玉糝蒼苔碎

榮望念采茶時節劉克莊 蜀紅妝破春睡劉圻 父花

無奈燕幕鶯簾翁元龍 把愁句了李肩吾 玲空祇

添憔悴柳永 慢宿粉殘香隨夢冷楊 瘦約楚裙

尺二周密 借釵鳳斜敲洪 邁踏莎鏡鸞慵舞王 嶠祝

誰會憑闌意王禹偁 竹枝三唱劉 一止耳邊依約常

記李之儀 玉蝴蝶

北曲附

塞鴻秋 正宮

舟中客況

輕陰只傍煙中樹暖雲更逐谿頭路斷腸時候波光
綠無家燕子同來去詩須石虎聯酒要紅螺注歸期
又被春潮誤

青杏子 大石調

春日寓感

簾底見息息怪春人影似翩鴻耳邊卻厭鶯兒燕愁
來如織腸迴如結過了東風

四塊玉 南呂

NATIONAL CENTRAL LIBRARY, TAIWAN

題賈如蘭女史畫桃花

曉露時春風候染色休猜鬢妃脣背人閒試生香手
譜曾脩格誰偷詩要酬

閱金經南呂

登陶然亭

波遠浮蒼靄櫺疏織紺煙才一凭欄便惘然問何人
詩句傳花事淺綠楊初褪絲

喜春來仲呂

夜坐

花開疏處渾疑影月到時倍有情鐙期過卻罷調

笙窗外行留下珮環聲

梧葉兒南調

旅館漫興

冷露黏衣袖秋風上鬢絲心事没人知壁上無聲畫
枰間打劫碁袖裏斷腸詞還獨對空庭月時

凭闌人越調

掠鬢初簪紅玉釵兜底親縫金縷鞦海榴今夜開箇
人來不來

小桃紅越調

麥柳卿觀察采菱圖

橫塘曲曲翠雲鋪界斷相思路約伴嬉遊放船處笑
相呼隔窗招手花中去芙蓉無語鴛鴦對舞風景莫
愁湖

折桂令 雙調

訪朝漢臺故址

望寒原落日明邊說盡興亡鳥語纏綿壯士高歌美
人勸酒往事淒然纔占得越城宮殿又迎來漢使樓
船廢壘煙荒畫角聲聲吹落紅棉

水仙子 雙調

賓日閣小憩

胡梯曲曲接重廊幾縷閒雲護粉牆平泉竹石添惆
悵巍巍相國堂只留仙語燕棲梁禿柳敲斜影疏梅
淺淡妝無限悲涼

清江引 雙調

春恨

棠梨半開春尚淺花好無人見愁腸曲似環弱態輕
于燕鮫綃裏雲和淚翦

光緒乙未三月惺然居士作讀一過心折者以朱

圓圖之



國家圖書館, NATIONAL CENTRAL LIBRARY, TAIWAN, R.O.C.

